



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ**

Ո Ր Ո Շ ՈՒ Մ N_489

**վարչական պատասխանատվությունից ազատելու, բանավոր դիտողություն
հայտարարելու և վարչական գործի վարույթը կարճելու մասին**

06.12.2023թ.

ք. Երևան

Քննելով տեսչական մարմնի կողմից 2023թ. նոյեմբերի 03-ի N 749-Ա հրամանով «ԱԼԻՔ» Ա/Կ-ում /ՀՎՀՀ՝ 08610107/ կատարված ստուգման նյութերը /ստուգման ԱԿՏ N 749-Ա կազմված 24.11.2023թ., խախտումների մասին 09.11.2023թ. արձանագրությունը և այլ նյութերը/.

Պ Ա Ր Զ Ե Ց Ի՝

«ԱԼԻՔ» Ա/Կ-ում Երևան-Դիլիջան մայրուղի 76 կմ. հասցեում իրականացնում է ավտոգազալիցքավորման ճնշակայանի (ԱԳԼՃԿ) գործունեություն:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ավտոգազալիցքավորման շահագործման տեխնիկական անվտանգության ստուգման մասին» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման ընթացքում պարզվել է, որ պարտադիր օրենսդրական չափագիտական հսկողության ենթակա չափման միջոցները՝ թվով 4 հատ գազաբաշխիչ աշտարակները 8 ճկափողերով 07.06.2022թ.-ից մինչև 13.06.2022թ.-ը և 13.06.2023թ.-ից մինչև 16.06.2023թ.-ը ընկած ժամանակահատվածը շահագործվել են առանց ստուգաչափման,, որպեսզի զանցանքը նախատեսված է ՎԻՎ օրենսգրքի 158-րդ հոդվածի 44-րդ մասով:

Տեսչական մարմնի ղեկավարի կողմից խախտումների և թերությունների վերացման ուղղությամբ կարգադրագիր չի արձակվել, քանի որ ստուգման պահին ստուգաչափման վկայականները եղել են ուժի մեջ:

Փաստացի խախտվել են՝ «Չափումների միասնականության ապահովման մասին» ՀՀ օրենքի 16-րդ հոդվածի 1-ին և 2-րդ մասերի պահանջը:

Լյովա Շավարշի Ֆերոյանը ներկայացրել է արարքի նվազ նշանակությունը հիմնավորող փաստաթղթեր, այն է՝ վճարման անդորրագիր և հայտնել, որ իրավախախտումը կատարվել է ոչ իր մեղքով, քանի որ վերջինս վճարումը կատարել է ժամանակին, սակայն «Ստանդարտացման և չափագիտության ազգային մարմին» ՓԲԸ-ն ստուգաչափման աշխատանքները կատարել է ժամկետից ուշ և հաշվի առնելով

իրավախախտում կատարած անձի արաքի նվազ նշանակությունը խնդրել է իրեն ազատել վարչական պատասխանատվությունից և բավարարվել բանավոր դիտողությամբ:

Քննության առնելով Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 44-րդ մասով կատարված վարչական իրավախախտման վերաբերյալ գործը և ղեկավարվելով նույն օրենսգրքի 21-րդ հոդվածով, ինչպես նաև ուսումնասիրելով գործում առկա փաստաթղթերը, գտնում եմ, որ իրավախախտումը ունի նվազ նշանակություն, ուստի նպատակահարմար է իրավախախտում կատարող անձին ազատել վարչական պատասխանատվությունից, հայտարարել բանավոր դիտողության:

Ելնելով վերոգրյալից և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 21-րդ հոդվածի, 244.7 հոդվածով, 247-րդ, 281-րդ հոդվածով և 282-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Լյովա Շավարշի Ֆերոյանի ազատել պատասխանատվությունից, հայտարարել բանավոր դիտողություն և վարչական իրավախախտում կատարախ անձի նկատմամբ հարուցված վարչական գործի վարույթը կարճել:
2. 06.12.2023թ. թիվ 489 որոշման օրինակն ուղարկել Լյովա Շավարշի Ֆերոյանին:
3. Որոշումը կարող է բողոքարկվել ուժի մեջ մտնելու օրվանից երկու ամսվա ընթացքում վարչական կամ դատական կարգով ՀՀ Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐՆ



ԱՐՄԵՆ ԿՈՏՈՒԼՅԱՆ